



ევროკავშირი  
საქართველოსთვის  
ENPARD



## ქედა ლიდერი

ქედის მუნიციპალიტეტის ადგილობრივი რესურსებისა და პოტენციალის  
ოპტიმალური გამოყენება სოფლის განვითარებისათვის

საგრანტო სახელმძღვანელო

2018 წელი

## შინაარსი

1. პროგრამის შესახებ.....	3
2. საინფორმაციო კამპანია.....	3
3. კონკურსში მონაწილეობა .....	4
4. საგრანტო დაფინანსების შესაძლებლობა და ოდენობა .....	4
5. საგრანტო კონკურსის ეტაპები, ვადები და განაცხადების შერჩევა/შეფასება. ....	6
6. განაცხადების ფინანსურ-ადმინისტრაციული შემოწმება, შერჩევის და შეფასების პროცესი.....	7
7. ფინანსურ-ადმინისტრაციული შემოწმება.....	7
8. შერჩევის პროცესი .....	7
9. შეფასების პროცესი .....	8
10. განაცხადებისა და საჩივრების კომისია.....	9
11. ინტერესთა კონფლიქტი, ხელშეკრულება და შესყიდვები.....	9
12. მონიტორინგი, განხილვა და შეფასება .....	10

## 1. პროგრამის შესახებ

„ქედის მუნიციპალიტეტის ადგილობრივი რესურსებისა და პოტენციალის ოპტიმალური გამოყენება სოფლის განვითარებისათვის“ პროექტის მიზანია ადგილობრივი ეკონომიკური საქმიანობების დივერსიფიკაცია, ინვესტიციების მოზიდვა და კონკურენტული სასოფლო-სამეურნეო და გარემოსდაცვითი პრაქტიკის ხელშეწყობა სოფლის განვითარების თანამონაწილეობრივი, სტრატეგიული დაგეგმვის გზით. პროექტის ამოცანაა ქედის მუნიციპალიტეტის განვითარების პოტენციალის გაძლიერება და ადგილობრივი შესაძლებლობებისა და რესურსების ოპტიმალური გამოყენება.

პროექტს ახორციელებს CENN - კავკასიის გარემოსდაცვითი არასამთავრობო ორგანიზაციების ქსელი, დემოკრატიის ინსტიტუტი (IoD), საქართველოს სტრატეგიული კვლევებისა და განვითარების ცენტრი (CSRDG), ავსტრიის რეგიონული კვლევებისა და სივრცითი დაგეგმარების ინსტიტუტი (ÖIR) - ქედის ადგილობრივი განვითარების ჯგუფთან ერთად (LAG).

„ქედის მუნიციპალიტეტის ადგილობრივი რესურსებისა და პოტენციალის ოპტიმალური გამოყენება სოფლის განვითარებისათვის“ პროექტის ფარგლებში CENN - კავკასიის გარემოსდაცვითი არასამთავრობო ორგანიზაციების ქსელი, დემოკრატიის ინსტიტუტი (IoD), ქედის განვითარების ჯგუფთან ერთად აცხადებს 2018/19 წლების საგრანტო კონკურსს.

### საგრანტო კონკურსის მიზანი

საგრანტო კონკურსის მიზანია, პროგრამის „ადგილობრივი პოტენციალის ოპტიმიზაცია სოფლის განვითარებისთვის ქედის მუნიციპალიტეტში“ და ადგილობრივი განვითარების სტრატეგიის პრიორიტეტების შესაბამისად, ქედის ადგილობრივი თემების კეთილდღეობის და ყოფითი პირობების გაუმჯობესება, სოფლად ეკონომიკური შესაძლებლობების გაძლიერება და ინოვაციური პროექტების განხორციელება.

საგრანტო კონკურსის პრიორიტეტული მიმართულებებია:

1. სოფლის მეურნეობა;
2. ტურიზმი;
3. არასასოფლო სამეურნეო ეკონომიკური საქმიანობა;
4. განათლება, კულტურა, სპორტი;
5. გარემოს დაცვა და ბუნებრივი რესურსების მართვა;
6. ქედის მუნიციპალიტეტში ცხოვრების ხარისხის გაუმჯობესება (კომუნალური და სოციალური ინფრასტრუქტურა).

## 2. საინფორმაციო კამპანია

საგრანტო კონკურსის გამოცხადებისთანავე, CENN - კავკასიის გარემოსდაცვითი არასამთავრობო ორგანიზაციების ქსელი, დემოკრატიის ინსტიტუტი (IoD), ქედის ადგილობრივი განვითარების ჯგუფი (LAG) საგრანტო კონკურსის შესახებ ინფორმაციის მაქსიმალურად გავრცელების მიზნით იწყებს საინფორმაციო კამპანიას. საინფორმაციო კამპანია წარიმართება ქედის ათივე ადმინისტრაციულ ერთეულში, მოსახლეობასთან უშუალო შეხვედრების მიზნით, წინასწარ შემუშავებული განრიგის შესაბამისად. შეხვედრის მიზანია ქედის მუნიციპალიტეტის ადგილობრივი განვითარების სტრატეგიის პრიორიტეტების კიდევ ერთხელ მიმოხილვა და საგრანტო კონკურსის პირობების გაცნობა.

ინფორმაციის ხელმისაწვდომობის და ეფექტური გავრცელებისათვის დამატებით გამოყენებული იქნება შემდეგი საშუალებები:

1. ქედის ადგილობრივი განვითარების ჯგუფის ოფიციალურ ვებ გვერდზე და ფეისბუქზე განთავსდება საგრანტო კონკურსის შესახებ ინფორმაცია, ასევე „ქედის მუნიციპალიტეტის ადგილობრივი განვითარების სტრატეგია“.
2. საზოგადოებრივი თავშეყრის ადგილებში და საზოგადოებრივ ტრანსპორტში გავრცელდება საინფორმაციო ლიფლეტები.

საგრანტო კონკურსთან დაკავშირებულ საკითხებზე დეტალური ინფორმაციის მიღების მიზნით, მათ შორის საგრანტო განაცხადის ფორმების შევსების და წარდგენის პროცედურებზე ჩატარდება ღია კარის დღეები. შესაბამისი სახელმძღვანელო და ფორმები გამოქვეყნდება LAG-ის ვებ-გვერდზე - [www.kedalag.ge](http://www.kedalag.ge)

### **3. კონკურსში მონაწილეობა**

**საგრანტო კონკურსში მონაწილეობის უფლება აქვს:**

საგრანტო კონკურსში მონაწილეობის უფლება აქვს საქართველოში რეგისტრირებულ შემდეგ სუბიექტებს:

1. საქართველოს სრულწლოვანი მოქალაქე;
2. საქართველოში რეგისტრირებული იურიდიული პირები (შპს, სპს, სს და ა.შ.);
3. რეგისტრირებული სტატუსის მქონე სასოფლო კოოპერატივები;
4. არასამეწარმეო (არაკომერციული) იურიდიული პირები (არასამთავრობო ორგანიზაცია, ასოციაცია, ფონდი და ა.შ.);
5. ქედის მუნიციპალიტეტის თვითმართველობის საჯარო სამართლის იურიდიული პირები;
6. ქედის მუნიციპალიტეტში არსებული კულტურულ/საგანმანათლებლო ორგანიზაციები;
7. საინიციატივო ჯგუფები.

**კონკურსში მონაწილეობის უფლება არ აქვს:**

1. პოლიტიკურ პარტიებს;
2. რელიგიურ ორგანიზაციებს;
3. ფინანსურ ინსტიტუტებს (ბანკი; მიკროსაფინანსო, ლომბარდი და ა.შ.).
4. ორგანიზაციებს, კავშირებს, გაერთიანებებს, საინიციატივო ჯგუფებს და ა.შ. რომლებიც სქესის, რელიგიური შეხედულებების, ეთნიკური წარმომავლობის და სექსუალური ორიენტაციის საფუძველზე ახდენენ ფიზიკური პირების ან/და კონკრეტული ჯგუფების დისკრიმინაციას.

### **4. საგრანტო დაფინანსების შესაძლებლობა და ოდენობა**

კონკურსის შედეგად საგრანტო განაცხადების თანხობრივი მხარდაჭერა გამოყენებული იქნება ორი მიმართულებით: კომერციული და სოციალური პროექტების მხარდასაჭერად.

დაფინანსების მინიმალური ოდენობა შეადგენს 1,000 ლარს, მაქსიმალური - 150,000-ს. განმცხადებლებს მოეთხოვებათ მხოლოდ ფულადი თანამონაწილეობა და

თანამონაწილეობის მოცულობა დამოკიდებული იქნება განმცხადებლის პროექტის სპეციფიკასა და გრანტის მოცულობაზე შემდეგნაირად:

საგრანტო დაფინანსების ოდენობა კომერციული პროექტებისათვის:

- 1,000-და 10,000 ლარამდე, პროექტის საერთო ბიუჯეტის მინიმუმ 15% თანადაფინანსებით.
- 10,000-და 20,000 ლარამდე, პროექტის საერთო ბიუჯეტის მინიმუმ 20% თანადაფინანსებით.
- 20,000-დან 60,000 ლარამდე პროექტის საერთო ბიუჯეტის მინიმუმ 30% თანადაფინანსებით.
- >60,000 პროექტის საერთო ბიუჯეტის მინიმუმ 40% თანადაფინანსებით.

საგრანტო დაფინანსების ოდენობა სოციალური პროექტებისათვის:

- კულტურული, საგანმანათლებლო, სოციალური პროექტები, რომლებიც განხორციელდება არაკომერციული (არასამეწამეო) იურიდიული პირის, კულტურულ/საგანმანათლებლო დაწესებულების და საინიციატივო ჯგუფების მიერ:
  - 1,000-და 5,000 ლარამდე, პროექტის საერთო ბიუჯეტის მინიმუმ 10% თანადაფინანსებით.
  - 5,000-დან 10,000 ლარამდე პროექტის საერთო ბიუჯეტის მინიმუმ 15% თანადაფინანსებით.
  - 10,000-დან 20,000-მდე პროექტის საერთო ბიუჯეტის მინიმუმ 20% თანადაფინანსებით.
- ადგილობრივი თვითმმართველობის ორგანოები, სახელმწიფო სსიპ-ები, სახელმწიფო შპს-ები - პროექტის საერთო ბიუჯეტის მინიმუმ 40% თანადაფინანსებით.

საგრანტო დაფინანსების ოდენობა 60,000 დან - 150,000 ლარამდე, გაიცემა მხოლოდ განსაკუთრებულ შემთხვევაში და დაფინანსებით უნდა იქნას მიღწეული შედეგი ქედის განვითარების სტრატეგიის მინიმუმ 3 პრიორიტეტულ მიმართულებაზე.

**პროექტის ბიუჯეტის თანამონაწილეობის პროცენტის გამოთვლის ფორმულის მაგალითი.**

- A. პროექტის ღირებულება 35,000 ლარი.
- B. თანამონაწილეობა 30%.
- C. განმცხადებლის კონტრიბუცია 10,500 ლარი ( $A*B = 10,500$ ).
- D. საგრანტო ფონდიდან მოთხოვნილი თანხა 24,750 ლარი ( $A-C=24,500$ )

თანადაფინანსებად ჩაითვლება მხოლოდ თანხობრივი მონაწილეობა. ბენეფიციარმა უნდა შექმნას ცალკე საბანკო ანგარიში საგრანტო პროექტისათვის, რომელზეც კონკურსში გამარჯვების შემთხვევაში მის მიერ გადაირიცხება თანამონაწილეობის კუთვნილი თანხა და ამავე ანგარიშზე მოხდება გრანტის გამცემისაგან საგრანტო ხელშეკრულებით გათვალისწინებული ტრანშების ჩარიცხვა. სალარო ოპერაციებისათვის (Petty cash) დასაშვებია მაქსიმუმ 300 ლარის ერთჯერადი გადახდა ნაღდი ანგარიშსწორებით. 300 ლარს ზემოთ გადასახდელი თანხები აუცილებლად უნდა მოხდეს საბანკო გადარიცხვის საშუალებით, რომელიც განხორციელდება ბენეფიციარის მიერ შექმნილი ზემოთ მოხსენიებული ანგარიშიდან.

გამარჯვებული საგრანტო პროექტების განხორციელების ეტაპზე, გრანტის ბენეფიციარებმა შესყიდვები უნდა განახორციელონ ევროკავშირის ან სენის შესყიდვების რეგულაციების დაცვით.

დონორი ორგანიზაცია იტოვებს უფლებას გამარჯვებული პროექტების განხორციელების ეტაპზე, ხარჯთ-ეფექტურობის მაქსიმიზაციის და ოპტიმიზაციის მიზნით შეისყიდოს და გადასცეს ძირითადი საშუალებები (ასეთის არსებობის შემთხვევაში) ბენეფიციარს.

საგრანტო რესურსით არ ფინანსდება შემდეგი ხარჯები:

1. ხელფასები (გამონაკლის შემთხვევაში შესაძლოა დაფინანსდეს ექსპერტის/სპეციალისტის ჰონორარი) და მიმდინარე ხარჯები;
2. მსხვილფეხა და წვრილფეხა რქოსანი პირუტყვის, შინაური ფრინველების, ფუტკრის ოჯახების შექმნა;
3. უძრავი ქონების შექმნა;
4. სემინარებში, სამუშაო შეხვედრებში და კონფერენციებში ინდივიდუალური მონაწილეობა;
5. კვლევების ან ტრენინგების ინდივიდუალური დაფინანსება გარდა იმ შემთხვევებისა როცა ის წარმოადგენს ძირითადი საქმიანობის შემადგენელ კომპონენტს;
6. აკადემიური და სამეცნიერო კვლევები;
7. სასწავლო/სამეცნიერო გრანტები;
8. ჰუმანიტარული აქციები და საქმიანობა;
9. ვალები და მომავალი შესაძლო ზარალისათვის გათვალისწინებული ხარჯები;
10. გადასახდელი პროცენტები, საურავები, ჯარიმები;
11. ზარალი, გამოწვეული სავალუტო კონვერტაციის შედეგად;
12. მესამე მხარისათვის გაცემული სესხები;
13. სადაზღვევო ხარჯები;
14. საქართველოს მოქმედი კანონმდებლობით აკრძალული საქმიანობები.

## 5. საგრანტო კონკურსის ეტაპები, ვადები და განაცხადების შერჩევა/შეფასება

საგრანტო კონკურსი შედგება შემდეგი ეტაპებისგან:

**I ეტაპი** - ინტერესის გამოხატვა (იდეების კონკურსი);

**II ეტაპი** - სრული განაცხადის წარდგენა;

**III ეტაპი** - საგრანტო განაცხადის დამტკიცება;

საგრანტო კონკურსში განმცხადებელს შეუძლია რამდენიმე განაცხადის წარდგენა, თუმცა დაფინანსდება მხოლოდ ერთი განაცხადი.

განაცხადების წარმოდგენა შესაძლებელია მხოლოდ ქართულ ენაზე. განაცხადზე თანდართულ უცხოენოვან დოკუმენტაციას უნდა ახლდეს ნოტარიულად დამოწმებული ქართული თარგმანი.

**I ეტაპი - ინტერესის გამოხატვა**

განაცხადის წარდგენა შესაძლებელია ორი ფორმით: ელექტრონული და მატერიალური (ნაბეჭდი) ფორმით.

ელექტრონული ფორმით განაცხადები მიიღება მხოლოდ PDF ფორმატის ფაილების სახით, ხელმოწერილი ან/და არსებობის შემთხვევაში ბეჭდით დამოწმებული. ელექტრონულად განაცხადის წარდგენა შესაძლებელია ქედის ადგილობრივი განვითარების ჯგუფის ელ. ფოსტაზე [grant@kedalag.ge](mailto:grant@kedalag.ge), ასევე CD-ს ან მეხსიერების ბარათის მეშვეობით ოფისში წარმოდგენა. ელ. ფოსტაზე განაცხადის წარდგენისას აუცილებელია განმცხადებელმა თემის

ველში მიუთითოს „საგრანტო კონკურსი 2018“. განაცხადის ამ ფორმით წარდგენის შემთხვევაში განმცხადებელი ღებულობს განაცხადის წარდგენის დასტურს.

მატერიალური ფორმით განაცხადის წარდგენა შესაძლებელია ქედის ადგილობრივი განვითარების ჯგუფის ოფისში შემდეგ მისამართზე: დაბა ქედა, ტბელ აბუსერიძის #10. მატერიალურად განაცხადი წარდგენილი უნდა იქნეს დალუქულ კონვერტში. კონვერტზე აუცილებლად უნდა მიეთითოს განმცხადებლის ვინაობა და საკონტაქტო ინფორმაცია. განაცხადის მატერიალური ფორმით წარდგენის შემთხვევაში განმცხადებელს გადაეცემა განაცხადის რეგისტრაციის ბარათი.

I ეტაპის განაცხადის წარდგენის ბოლო ვადაა 2018 წლის 20 ოქტომბერი 17:00 საათი.

**ვადაგადაცილებით წარმოდგენილი ან/და ხელით შევსებული განაცხადები არ მიიღება.**

განაცხადის ფორმების შევსების და წარდგენასთან დაკავშირებით ტექნიკურ საკითხებზე დაინტერესებულ პირებს კონსულტაციები გაეწევათ განაცხადის წარდგენის ვადის ამოწურვამდე ქედის ადგილობრივი განვითარების ჯგუფის ოფისში.

I ეტაპის განაცხადის ფორმა შეგიძლიათ იხილოთ აქ: [www.kedalag.ge](http://www.kedalag.ge)

## II ეტაპი - სრული განაცხადის წარდგენა

პირველ ეტაპზე შერჩეული განაცხადების წარმოდგენი პირები მოწვეული იქნებიან სრული განაცხადის შევსებისა და წარმოდგენის პროცედურებთან დაკავშირებულ ტრენინგ/სემინარებზე. ამავე ტრენინგ/სემინარზე ეცნობებათ განაცხადის წარდგენის ვადა და გადაეცემათ სრული განაცხადის ფორმები. სრული განაცხადის ფორმები განთავსდება ქედის ადგილობრივი განვითარების ჯგუფის ოფიციალურ ვებ-გვერდზე [www.kedalag.ge](http://www.kedalag.ge)

## 6. განაცხადების ფინანსურ-ადმინისტრაციული შემოწმება, შერჩევის და შეფასების პროცესი

განაცხადების ფინანსურ-ადმინისტრაციულ შემოწმებას, შერჩევას და შეფასებას ახდენს საგრანტო კომისია, რომელიც იქმნება CENN-ის, დემოკრატიის ინსტიტუტის, ქედის ადგილობრივი განვითარების ჯგუფის მმართველი საბჭოს მიერ ერთობლივად.

## 7. ფინანსურ-ადმინისტრაციული შემოწმება

საგრანტო განაცხადი (ინტერესის გამოხატვა, სრული განაცხადი) შერჩევის და შეფასების პროცესის დაწყებამდე გაივლის ფინანსურ-ადმინისტრაციულ შემოწმებას (წარმოდგენის ვადა, განაცხადის ფორმა, განმცხადებლის რეკვიზიტები, დანართების სიზუსტე, ბიუჯეტის რელევანტურობა და ა.შ.).

ფინანსურ-ადმინისტრაციული შემოწმების ეტაპზე აღმოჩენილი ხარვეზის(ების) არსებობა, რომელიც შეუძლებელს გახდის განაცხადის შეფასებას, გამოიწვევს საგრანტო კონკურსიდან განაცხადის დისკვალიფიკაციას.

## 8. შერჩევის პროცესი

საგრანტო განაცხადების შერჩევის პროცესი გულისხმობს I ეტაპზე წარმოდგენილი განაცხადების, ქედის განვითარების სტრატეგიასთან და საგრანტო კონკურსის მიზანთან შესაბამისობის დადგენას შემდეგი კრიტერიუმების გათვალისწინებით:

1. წარმოდგენილი იდეის განხორციელების ადგილმდებარეობა - პროექტი უნდა განხორციელდეს ქედის მუნიციპალიტეტის ადმინისტრაციულ საზღვრებში.
2. პროექტის ხანგძლივობა - პროექტის განხორციელების ვადა არ უნდა აღემატებოდეს 12 თვეს.
3. პროექტის ბიუჯეტი და საგრანტო თანხა - პროექტის ბიუჯეტი და საგრანტო თანხა უნდა შეესაბამებოდეს კონკურსის დაფინანსების კრიტერიუმებს;
4. იდეის შესაბამისობა ქედის განვითარების სტრატეგიასთან - განაცხადში აღწერილი იდეა უნდა შეესაბამებოდეს ქედის განვითარების სტრატეგიის ერთ ან/და რამდენიმე პრიორიტეტულ მიმართულებას;
5. განმცხადებლის სტატუსი - განმცხადებლის სტატუსი უნდა შეესაბამებოდეს კონკურსში მონაწილეობის უფლების მქონე სუბიექტების სტატუსს.
6. იდეის/პრობლემის აქტუალურობა - რამდენად აქტუალურია იდეა/პრობლემა მიზნობრივი ადგილმდებარეობისთვის;

**შენიშვნა:** კომერციული პროექტის განმცხადებელი შესაძლებელია იყოს ფიზიკური პირი ან პირთა ჯგუფი, თუმცა, განაცხადით უნდა გაითვალისწინოს ინდ. მეწარმის ან იურიდიული პირის დაფუძნება და ამავდროულად უნდა დააკმაყოფილოს ქედის განვითარების სტრატეგიის ერთი ან რამდენიმე პრიორიტეტული მიმართულება. ამ შემთხვევაში წარმოდგენილი განაცხადი განიხილება და დადებითი შედეგის დადგომისას მოეთხოვება იურიდიული პირის დაფუძნება.

ყველა ზემოთ ჩამოთვლილი კრიტერიუმების გათვალისწინებით, შერჩევის შედეგები ეცნობება განმცხადებლებს როგორც დადებითი, ასევე უარყოფითი შედეგის შემთხვევაში. უარყოფითი შედეგის შემთხვევაში, წერილობითი მოთხოვნის საფუძველზე განმცხადებელს მიეცემა წერილობითი პასუხი უარის თქმის მიზეზების შესახებ.

**შერჩევის პროცესის დასრულების ვადაა 2018 წლის 20 ნოემბერი.**

## 9. შეფასების პროცესი

სრული განაცხადის წარდგენის ვადის ამოწურვისთანავე საგრანტო კომისია იწყებს სრული განაცხადების ფინანსურ-ადმინისტრაციული შემოწმებისა და შეფასების პროცესს.

სრული განაცხადების შეფასება ხორციელდება საგრანტო კომისიის წევრების მიერ ინდივიდუალურად, ქედის ადგილობრივი განვითარების ჯგუფის მმართველი საბჭოს მიერ დამტკიცებული ფორმით.

განაცხადის შეფასება განხორციელდება შემდეგი ძირითადი კრიტერიუმებით:

1. საგრანტო განაცხადით წარმოდგენილი იდეის კავშირი ქედის განვითარების სტრატეგიის პრიორიტეტებთან;
2. იდეის, პრობლემის აღწერა. რამდენად აქტუალურია წარმოდგენილი იდეა/პრობლემა მიზნობრივი ადგილმდებარეობისთვის;
3. განმცხადებლის ცოდნა ან/და გამოცდილება წარმოდგენილი პროექტის განხორციელებასთან დაკავშირებით;
4. ხელშემწყობი წინაპირობები, პროექტის განხორციელებასთან დაკავშირებული გარემო ფაქტორები და რესურსები (ადამიანური, ტექნიკური და ა.შ.);
5. პროექტის განხორციელების მიდგომები. პროექტის განხორციელებისათვის დაგეგმილი აქტივობები;
6. პროექტის ფინანსური დაგეგმარება (ლოგიკური ბიუჯეტი - ხარჯების რეალისტური გათვლა);
7. პროექტის განხორციელების რისკები და მათი შემცირების გზები;
8. მარკეტინგი (კონკურენცია, პროდუქციის/მომსახურების სარეალიზაციო გარემო, მომხმარებლები, სტრატეგია);



9. პროექტის განხორციელების გეგმა-გრაფიკი;
10. პროექტის განხორციელებით მიღებული შედეგები;
11. პროექტის სიცოცხლისუნარიანობა;
12. დასაქმება;

საგრანტო განაცხადების შეფასების პროცესში დამატებითი 10 ქულა მიენიჭება შემდეგი კრიტერიუმების გათვალისწინებით:

1. პროექტის განხორციელება დაკავშირებულია თანამედროვე ტექნოლოგიებსა და ინოვაციებთან;
2. ქალების, ახალგაზრდების და შშმ პირების ჩართულობა პროექტის განხორციელებაში;
3. გარემოზე დადებითი შედეგი (მეთოდოლოგიისა და ტექნოლოგიების გამოყენება, რომელიც ამცირებს გარემოზე უარყოფით ზემოქმედებას);

განაცხადის შეფასების პროცესში საგრანტო კომისია უფლებამოსილია განაცხადში მოყვანილი გარემოებების გადამოწმების მიზნით მოთხოვოს განმცხადებელს დამატებითი ინფორმაციის წარმოდგენა ან/და განმარტებები კონკრეტულ საკითხზე, ასევე ფაქტებისა და გარემოებების ადგილზე გადამოწმება. აღნიშნულ პროცესს კომისია ახორციელებს LAG კოორდინატორის და მონტორინგის კომისიის მეშვეობით, რომელიც იქმნება ქედის ადგილობრივი განვითარების ჯგუფის მმართველი საბჭოს მიერ, მინიმუმ 4 წევრის შემადგენლობით.

კონკრეტულ განაცხადზე კომისიის წევრების მიერ გაკეთებული ინდივიდუალური შეფასების ქულები ჯამდება, რაც წარმოადგენს კონკრეტული საგრანტო განაცხადის შეფასების საბოლოო ქულას.

## 10. განცხადებებისა და საჩივრების კომისია

საგრანტო კონკურსის ფარგლებში, საგრანტო პროცესთან დაკავშირებული განცხადებების და საჩივრების განხილვის მიზნით ქედის ადგილობრივი განვითარების ჯგუფის მმართველი საბჭოს მიერ შექმნილია განცხადებებისა და საჩივრების კომისია.

განცხადებებისა და საჩივრების კომისია, თავისი კომპეტენციის ფარგლებში განცხადების ან საჩივრის დარეგისტრირებიდან 10 სამუშაო დღის ვადაში შეისწავლის საჩივარში არსებულ გარემოებებს და თავისი გადაწყვეტილების შესახებ, შემდგომი რეაგირებისათვის წერილობით აცნობებს ქედის ადგილობრივი განვითარების ჯგუფის მმართველი საბჭოს თავმჯდომარეს.

კომისიის მისამართი: დაბა ქედა, ტბელ აბუსერიძის 10.

## 11. ინტერესთა კონფლიქტი, ხელშეკრულება და შესყიდვები

შერჩევის შემდეგ პროექტის განაცხადები საბოლოო განხილვისთვის წარედგინება CENN-ს პასუხისმგებელი პირის მიერ. იმ შემთხვევაში, თუ ამ ეტაპზე CENN აღმოაჩენს შეთანხმებული პროცედურებისგან რამე გადაცდომას ან ინტერესთა კონფლიქტს, ის უფლებამოსილია, შეაჩეროს გრანტის ხელშეკრულების ხელმოწერა. თუკი განაცხადი და მასთან არსებული ყველა წარმოდგენილი დოკუმენტი სრულ წესრიგშია, წარმატებული განმცხადებელი ხელს მოაწერს გრანტის ხელშეკრულებას CENN-თან. ხელშეკრულებაში დეტალურად იქნება გაწერილი ორივე მხარის როლები და პასუხისმგებლობები პროექტის განხორციელებასა და დაფინანსებაზე, ასევე, შეთანხმების პირობებზე. გრანტის ხელშეკრულების ხელმოწერის შემდეგ განმცხადებელი და/ან მესამე პირი თანამონაწილეობით განსაზღვრულ თანხას - თანადაფინანსებას გადარიცხავს მის მიერ საგრანტო პროექტისათვის შექმნილ ანგარიშზე, როგორც აღწერილია თანადაფინანსების განხილვაში ზემოთ, ამ თანადაფინანსების სახსრები

საგრანტო ფონდთან ერთად გამოყენებულ იქნება განმცხადებლის ბიუჯეტში ჩამოთვლილი ნივთების შესასყიდად. ყველა შესყიდვა განხორციელდება განმცხადებლის სახელით შესაბამისი შესყიდვის პროცედურების წესების დაცვით, რომელიც წინასწარ იქნება შეთანხმებული. პროექტის დასრულებისას, ყველა აქტივი გადაეცემა განმცხადებელს, რომელიც პასუხისმგებელი იქნება მათ შემდგომ გამოყენებასა და მოვლა-პატრონობაზე.

## **12. მონიტორინგი, განხილვა და შეფასება**

პროექტის მიმდინარეობისას ყველა სამართლებრივი და ფინანსური დოკუმენტი ხელმისაწვდომი უნდა იყოს შემმოწმებლისთვის პროექტის განხორციელებისა და მონიტორინგის დროს. ზემოხსენებული დოკუმენტაცია არ გასაჯაროვდება, თუ მასში არ შედის კანონითა და საგრანტო ხელშეკრულებით გათვალისწინებული დარღვევები. პირდაპირი ბენეფიციარი აწარმოებს და წარმოადგენს რეგულარულ საბუღალტრო ანგარიშგებას, ახორციელებს ყველა საგადასახადო მოთხოვნას საქართველოს კანონმდებლობის შესაბამისად. აღნიშნული დოკუმენტაცია ხელმისაწვდომი იქნება მონიტორინგის გუნდისათვის 3 წლის განმავლობაში. პროგრამის ფარგლებში მხარდაჭერილი პროექტები უნდა დარჩეს მოქმედი და ემსახურებოდეს დასახულ მიზნებს განმცხადებლის მიერ შეთანხმებული პერიოდის განმავლობაში. პირდაპირი ბენეფიციარები უნდა შეესაბამებოდნენ ევროკავშირის ENPARD-ის მიზნებსა და პრიორიტეტებს და მათ უნდა უზრუნველყონ ევროკავშირის დაფინანსების ხილვადობა გამოცდილების გაზიარების მიზნით, ხელმოწერის დღიდან მომდევნო სამი წლის განმავლობაში, CENN-სა და ქედის LAG-ის თხოვნის საფუძველზე, ბენეფიციარმა უნდა უზრუნველყოს საგრანტო პროექტის ჩვენება ყველა დაინტერესებული მხარისთვის.